

Na osnovu člana 20. a Zakona o radu FBiH („Sl. novine FBiH“, broj: 26/16, 89/18 i 44/22), člana 4. Uredbe o postupku prijema u radni odnos u javnom sektoru u Zeničko-dobojskom kantonu („Sl. novine Zeničko-dobojskog kantona“, broj: 2/24), člana 4, člana 7. stav 1. tačka 5. Pravilnika o radu JU Dom zdravlja Breza kao i Odluke o raspisivanju javnog oglasa za prijem u radni odnos broj: 01-1318/2025 od 03.11.2025. godine, Direktor JU Dom zdravlja Breza raspisuje:

JAVNI OGLAS

za prijem radnika u radni odnos na određeno vrijeme

I RADNA MJESTA

JU Dom zdravlja Breza raspisuje javni oglas za prijem u radni odnos radnika u trajanju od 12 mjeseci na sljedeća radna mjesta:

1. Doktor medicine specijalista porodične medicine ili doktor medicine sa nekom drugom specijalizacijom sa posebnom edukacijom iz oblasti porodične medicine ili doktor medicine koji će obavljati poslove u službi porodične/obiteljske medicine – 3 izvršioca;
2. Medicinska sestra – tehničar (opći smjer) koja će obavljati poslove u službi porodične/obiteljske medicine – 1 izvršilac;

II USLOVI

Kandidati koji se prijavljuju na konkurs trebaju da ispunjavaju sljedeće:

OPĆE USLOVE

- da je kandidat državljanin BiH;
- da su starija od 18 godina
- da kandidat ima zdravstvenu i poslovnu sposobnost za vršenje poslova navedenih radnih mjesta kao i

POSEBNE USLOVE

Ovi uslovi su taksativno navedeni za sljedeća radna mjesta sa opisom poslova i radnih zadataka:

Radno mjesto: Doktor medicine specijalista porodične medicine ili doktor medicine sa nekom drugom specijalizacijom sa posebnom edukacijom iz oblasti porodične medicine ili doktor medicine u službi porodične/obiteljske medicine;

- završen Medicinski fakultet;
- položen stručni ispit za zvanje doktor medicine;
- licenca za samostalan rad;
- vozačka dozvola B kategorije;

-Kratak opis poslova:

kontrola i praćenje vodećih rizičnih faktora definisanih putem socijalno medicinske

dijagnoze,

- provođenje programa perinatalne zaštite,
- formiranje socijalno medicinske dijagnoze sa područja (koje im pripada),
- kolekcionisanje podataka koji su neophodni za dalje planiranje rada, monitoring i evaluaciju od strane ljekara obiteljske medicine,
- neposredna participacija u svim preventivno-promotivnim programima sa ciljem otkrivanja riziko-faktora koji mogu direktno uticati na zdravstveno stanje stanovništva na njihovom području,
- uspostavljanje saradnje sa školama, socijalnim ustanovama, mjesnim zajednicama i drugim institucijama,
- orijentacija dijagnostika, terapija i rehabilitacija vodećih masovnih oboljenja,
- upućivanje referiranje i praćenje pacijenata na specijalističku (bolničku) obradu,
- propisivanje lijekova sa esencijalne liste i drugih lijekova,
- parenteralno davanje lijeka (subkutana, intramuskularna, intravenska injekcija),
- pruža hitnu medicinsku pomoć,
- obrada površine rane bez šivanja,
- skidanje šavova ili konaca,
- obrada opekotine II stepena,
- vađenje stranog predmeta iz kože i potkožnog tkiva,
- kateterizacija mokraćne bešike,
- ispiranje uha (cerumen),
- zaustavljanje krvarenja,
- reanimacione mjere,
- primarno zbrinjavanje – distorzija i prijeloma imobilizacijom,
- brine se o racionalnom i pravilnom korištenju medicinskih aparata i opreme i koristi odgovarajuća zaštitna sredstva,
- redovno prati, proučava i primjenjuje savremena medicinska dostignuća u dijagnostici i terapiji bolesnika,
- izdaje potvrde o privremenoj spriječenosti za rad (doznake).
- i druge poslove navedene u Standardima i normativima zdravstvene zaštite i nomenklaturi usluga u F.BIH (plava knjiga).

Za svoj rad odgovoran je direktoru ustanove.

- **Mjesto rada:** JU Dom zdravlja Breza.

- **Pripadajuća osnovna neto plaća:** 2.810,00 KM ili 3.480,00 KM ovisno o stručnoj spremi.

Radno mjesto: Medicinska sestra – tehničar (opći smjer) u službi porodične/obiteljske medicine;

- završenu srednju medicinsku školu – opći smjer;
- položen stručni ispit za zvanje medicinska sestra – tehničar;
- licenca za samostalan rad;
- minimalno 6 mjeseci radnog iskustva na poslovima medicinske sestre – tehničara (opći smjer) računajući i pripravnički staž;

- vozačka dozvola B kategorije;

Kratak opis poslova:

obavlja razgovor sa pacijentom direktno ili putem telefona i zakazuje preglede kod doktora porodične – obiteljske medicine,

- vodi evidenciju i medicinsku dokumentaciju,
- obavlja poslove kod sistematskih pregleda,
- vrši zdravstveno prosvjeđivanje porodice,
- vrši edukaciju o zdravstvenoj ishrani i kvalitetnom načinu življenja,
- edukacija adolescenata o štetnosti droge, alkohola i cigareta,
- edukacija pacijenata oboljelih od dijabetesa,
- edukacija pacijenata oboljelih od hipertenzije i ostalih hroničnih bolesti,
- edukacija žena o važnosti papa testa,
- vrši sterilizaciju instrumenata i kontroliše njenu ispravnost,
- priprema pacijenta i materijal za rad, asistira pri radu,
- vodi medicinsku dokumentaciju,
- vrši primarnu i sekundarnu obradu rane,
- daje sve vrste injekcija (I.V, I.M, S.C.) i infuzija sa terapijom u istoj,
- vrši ispiranje uha, kateterizaciju pacijenta, čišćenje kanila,
- mjeri vitalne parametre (puls, krvni pritisak),
- vrši posjetu starim i iznemoglim licima i daje terapije u kući pacijenta,
- prima pozive od pacijenata i vrši trijažu za narudžbu prema redu hitnosti,
- vrši inhalaciju i imobilizaciju pacijenata,
- vodi brigu o nabavci i potrošnji lijekova iz priručne apoteke kao i potrebnih instrumenata,
- radi na aparatima (EKG, upotreba kisika i aparata za reanimaciju),
- vrši uvid u socijalne, zdravstvene i ekonomske prilike u kući i porodici i surađuje sa centrima za socijalni rad,
- vrši nadzor nad održavanjem higijene ambulate,
- vrši i druge poslove po nalogu rukovodioca,
- i druge poslove navedene u Standardima i normativima zdravstvene zaštite i nomenklaturi usluga u F.BIH (plava knjiga)

Za svoj rad odgovoran je rukovodiocu službe.

- **Mjesto rada:** JU Dom zdravlja Breza.

- **Pripadajuća osnovna neto plaća:** 1. 570,00 KM.

III NAPOMENA ZA KANDIDATE

- Izabrani kandidati će biti u obavezi da u roku od 15 (petnaest) dana od dana zaprimanja obavještenja o njegovom izboru kao najboljeg kandidata dostavi ljekarsko uvjerenje o zdravstvenoj sposobnosti.

- **kriterij na osnovu kojih će se vršiti bodovanje kandidata jesu:**

- radno iskustvo na poslovima stručne spreme,
- postignut uspjeh tokom školovanja

- uspjeh na pismenom ispitu za radno mjesto pod rednim brojem 1.
- uspjeh na usmenom ispitu (intervju) za sve pozicije.

IV POTREBNA DOKUMENTACIJA

Uz svojeručno potpisanu prijavu i kraću biografiju potrebno je dostaviti original ili ovjerene kopije dokumenata u skladu sa uslovima radnog mjesta na koje se kandidat prijavljuje a to je:

- Diploma (svjedočanstvo) o završenoj traženoj stručnoj spremi (školi) za radno mjesto za koje se dostavlja prijava;
- Uvjerenje o položenom stručnom ispitu;
- Licenca za samostalan rad ili potvrda nadležne komore da je u postupku izdavanje licence;
- Potvrda ili drugi dokaz o prosjeku ocjena tokom školovanja nakon stečene stručne spreme;
- Potvrda o radnom iskustvu u struci (ukoliko kandidat ima radno iskustvo nakon obavljenog pripravničkog staža);
- Ovjerena kopija vozačke dozvole „B“ kategorije
- Uvjerenje o državljanstvu (ne starije od 6 mjeseci);
- Izvod iz matične knjige rođenih;
- Prijava o prebivalištu (CIPS) ne starije od 6 mjeseci.

V LITERATURA ZA PISMENI ISPIT I INTERVJU

Gradivo i pravni izvori odnosno literatura za spremanje usmenog ispita – intervju su:

- Literatura korištena tokom školovanja.
- Zakon o zdravstvenoj zaštiti FBiH (Službene novine FBiH br: 46/10 i 75/13);
- Pravilnik o postupku i kriterijima za utvrđivanje privremene spriječenosti za rad osiguranika (Službene novine FBiH br: 3/17);
- Zakon o pravima, obavezama i odgovornostima pacijenata (Službene novine FBiH br: 40/10)

VI OSTALE ODREDBE

O datumu, mjestu pristupanja pismenom (za radno mjesto pod brojem 1.) i usmenom ispitu - intervju, kandidati će biti obavješteni dostavom skenirane obavijesti na e- mail adrese kandidata najmanje 5 dana prije održavanja pismenog i usmenog ispita – intervju, te će navedena obavijest biti postavljena na web stranicu kao i oglasnu ploču JU Dom zdravlja Breza. Imena kandidata se ne objavljuju.

Ako kandidat ne pristupi usmenom dijelu stručnog ispita smatrat će se da je odustao od dalje procedure prijema u radni odnos.

O rezultatima provedenog postupka po javnom oglasu kandidati će biti pismeno obavješteni. Javni oglas će biti objavljen na Web stranici JU Doma zdravlja Breza, Web stranici Općine Breza, oglasnoj ploči JU Dom zdravlja Breza i Zavodu za zapošljavanje Zeničko-dobojskog kantona.

Javni oglas ostaje otvoren 8 (osam) dana od dana objave obavijesti o javnom oglasu u

dnevnom listu "Oslobođenje".

Prijave na javni oglas sa potrebnom dokumentacijom dostaviti na adresu:

JU DOM ZDRAVLJA BREZA

Ul. Šehidska br. 12 Breza

U zatvorenoj koverti sa naznakom

„NE OTVARAJ – PRIJAVA NA JAVNI OGLAS“

sa obaveznom naznakom radnog mjesta na koje se podnosi prijava

Nepotpune, neblagovremene i neuredne prijave kandidata koji neispunjavaju uslove ovog javnog oglasa kao i kopije tražene dokumentacije koje nisu ovjerene, neće se uzimati u razmatranje.

Po okončanju postupka po ovom javnom oglasu, JU Dom zdravlja Breza se ne obavezuje vršiti povrat priložene dokumentacije kandidata.

DIREKTOR

dr.spec. Amina Tabaković